



嶺南之西樵也

後世之西樵也當湛子講席五

中大科之名幾與音霍自應鼎峙故西樵

之山西樵 霍勉齋集（四）石器爲代

佈于珠三角各地是（明）霍與瑕 撰 汲古閣藏



嶺南之西樵也

世之西樵也當湛子講席五

中大科之名幾與岳麓白鹿鼎峙故西樵

之山西樵 霍勉齋集（四）石器為代

佈于珠三角各地是（明）霍與瑕 撰 域出現社會



霍勉齋集卷之十九

南海霍與瑕著

十三世孫 有光 重梓

世光

十二世孫進芳校字

呈揭

呈三院文書

爲極惡攻州殺擄懇乞芟除鱷毒急解倒懸免致屢屈
塗炭釁患事隆慶五年六月十九日奉

欽差巡撫殷 批據太平府思同州申稱邇年以來被羅
陽縣土官恃強富能逆法妄動干戈殺掠人財牲畜煨

燼房屋肆害無忌嘉靖三十八九等年被該縣陸續擅
捉州民周政等監禁勒銀三五十兩或六七十兩不等
取贖方行脫放若無措者刑死被稔惡官男黃金彪等
騎馬入境遇婦女強姦見物強奪諸等妄爲隆慶元年
二月內黃金彪等縱令惡目黎康林清等帶兵前來攻
劫本州奪囚黃天賜等告提不出捏文搪塞得慣勢加
猖獗至五六月又被縱賊燒劫邕捧電邦潭盧那斛等
村六次擄沙水牛共計三百一十六隻馬七匹二年正
月十四日金彪縱兵又擄牛二十七隻至十八日非法
興兵千餘白日攻州圍劄三日大張旗號要害土官毋

子目民榜惶奔山避命捉去官婢盧氏媼姪等并擄民婦馬氏等共三十二名口殺苑州民甘奇馬貴馬聽馬鐸四命藏屍滅迹斬傷劉倍王四等刼去牛馬二百餘隻房屋灰焚三年五月內陸續又被金彪并賊舍黃鼎黃甘黃盧過惡軍犯殘子李雲霄等縱部民賊及糾宣化縣木旻村賊首李桑李真等各次突來打刼黃耨百域等村掠去牛六十餘隻追捕殺死州目阮積村民鍾恩二命先一次本州擒殺得賊躋趙帝首級解府梟示外四年九月二十五日又被黃金彪強捉州民唐信回縣監禁至五年二月內該縣聞上司按臨方行釋放節

被占本州下車八號并新強占耕那削等糧田各節苦情俱備屢申又土官天賜母子節告本府經委千戶夏用賓勘提未結屢被金彪等興兵攻州及劫掠鄉村并白日截路共十六次殺死甘奇等一十餘命掠去牛馬共六百五十餘隻捉去男婦盧氏等二十九名口斬傷何邦梁秀劉倍等及捉州民周政蘇眉等監禁通共勒去銀三百餘兩燒擄房倉財物無算又經行委萬承州土官許文鈺親到思同羅陽疆界勘審金鯨黃盧林清等惡不出向無歸結申乞親提或出給令旗行差官員或委南太思恩等府廉能正官嚴提黃金彪金鯨李雲

霄黃盧等明正典刑追給原刼占糧田人畜財產歸結等因奉批仰左江兵備道查究報又蒙巡按廣西監察御史李 批據該州申同前事蒙批分巡左江道查報蒙此案照先爲三雄糾集賊兵刼掠鄉村殺死人命事嘉靖四十六年正月初九日蒙巡按朱 批據大平府陀陵縣申稱黃金彪黃金霄統領賊兵五百餘徒包圍隴何馱丁二村刼去沙水牛八十三隻又糾合木旻村賊首陳嵩李珠李賊等長沙那勒充禾吳蕩鍾成等四十餘徒攻刼各村殺死良民何真何還等一十七命擄去男婦何媼五等并沙水牛八百二十一隻燒燬房屋

一百八十四間禾倉一百二十二間家私財物盡劫一空等情蒙批左江道查報依蒙該前道抄申牌仰太平府嚴提黃金彪等併賊首陳嵩李珠吳蕩鍾成等究問未到又蒙本院批據該縣申爲稔惡官男執讐糾合集兵用強殺死人命埋沒屍骸事稱被土官黃昂主令伊男黃金彪統弟黃金霄賊首黃學等將生員程之宋并家人王保捉網至半途支解殺死埋沒屍骸等情蒙批分巡左江道又爲貪官挾讐糾黨縱賊暴夥越境攻劫鄉村等事批據陀陵縣申稱被黃金彪黃金霄統督部下賊兵李駐等五百餘徒攻劫馱丁隴何二村殺擄人

口擄去牛畜財物等情蒙批分巡左江道查報又蒙本院批據南寧府宣化縣民馬茂忠等連名狀告爲被占田地殺擄人牛事稱土官黃昂主令惡族黃愛等與兵攻劫上下凌佛邑民等村白晝殺死人命擄去牛隻等情蒙批分巡左江道查報依蒙該前道抄詞併行太平府嚴提土官黃昂男黃金彪究問并捕拿各村前項積惡賊徒未獲隆慶二年四月二十日又奉

欽差總督都御史張 批據思同州申爲極惡土官興兵攻州殺人擄掠地方大患懇乞天恩急救一州殘命事稱同前因奉批仰左江查勘速報又奉本部院批據思

同州十冬向瑞等連名狀告爲興兵殺擄州治荒虛乞
憐急救事稱被黃金彪興兵攻州擄去男婦并牛馬等
物殺死州民甘奇等斬傷目民燒燬房倉人民逃散等
情奉批仰左江道查報本年七月二十一日又奉本部
院批據該州申同前事奉批仰左江分巡道作速勘處
詳奪依奉併行該府查勘嚴提黃金彪等究問未到隆
慶三年正月二十八日蒙巡按御史蔚 批據思同州
申詳亦同前因蒙批分巡道查報又蒙本院批據宣化
縣南廂一畝民凌可徵狀告爲叛賊流劫殺人擄掠牛
畜家私事稱被惡賊吳秀鍾讓等叛投忠州土官黃賢

相羅陽黃金彪乘機糾合那昏隴寨冲禾長沙等賊二百餘徒劫村擄去家私牛馬等情蒙批分巡道速行緝寃又蒙本院批據思同州催申亦同前事蒙批分巡道查報本年三月十六日又蒙本院批據該州申同前因蒙批分巡道查行繳依蒙節提黃金彪等未到本年六月初二日蒙巡按御史李批據思同州申同前事稱屢被黃金彪親督狼惡弟族黃金鯨等統兵千餘突攻州治殺擄人口牛畜財物放火燒燬房屋等情蒙批分巡道查報時黃賢相大肆猖亂興兵擅據四都地方逐官燒舍縱部劫掠地方受害該前道譚呈奉撫按衙門

批行陸續擒獲黃賢相吳秀并賊首李珠前來審發南
寧府究問明正典刑外惟黃金彪等屢提不出隆慶四
年七月二十六日又奉巡撫都御史殷 批據思同州
申同前因奉批仰分巡左江道查報并蒙巡按御史李
批據該州催申亦同前事蒙批分巡左江道查報本年
十一月初六日又蒙本院批據南寧府經歷司呈爲地
方賊情事呈詳宣化四都長沙冲禾羅陽各處盜賊劫
掠鄉村黃金彪縱盜殃民窩藏分贓請乞區處掩捕緣
由蒙批歲荒盜起地方受害漸多分巡左江道查議報
繳本月二十四日又奉巡撫都御史殷 批據南寧府

申詳前事奉批仰左江分巡道查行報本月二十九日
又奉提督兩廣都御史李 批據該府申同前因奉批
仰左江分巡道相機勦禦毋容流毒地方速報繳依奉
該前道備行南寧府查議及行太平府嚴拿黃金彪并
前項賊徒究問隆慶五年正月初一日又奉巡撫都御
史殷 批據南寧府儒學生員雷一鯨狀令吳銘劉抱
告爲土酋糾賊刼擄事并宣化縣民鄧森同告爲羣賊
殺擄人畜事又蘇成祿等連名狀告爲返賊殺人刼財
事俱告被黃金彪與弟金衛金盧糾黨大肆爲惡刼殺
村民於四年九月二十日統帶四崗惡賊鍾太鍾才黃

呈揭

霍勉齋集

卷之十九

堆等七百餘徒劫擄本村燒燬房屋擄去男婦鄧王浪等并牛隻馬匹財物追至渠樂寨方知土舍慕繼宗分贓等情奉批仰左江分巡道嚴查追究報本月二十五日又奉提督兩廣都御史李批據雷一鯨鄧森同蘇成祿等各狀告同前因奉批仰左江兵巡道查問詳繳三詞並行又奉本部院批據宣化縣太平二都民陳占梁愛狀告爲土官糾合劫擄人牛燒屋殺死人命事稱被羅陽縣土官男黃金彪陀陵縣黃德求盜心不息將弟黃金盧統兵協同四崗賊首鍾太鍾才等於四年九月初五二十日又十月初五日三次行劫本村三十五

家牛馬共二百七十餘隻殺死叔兄梁受梁達斬傷梁桂等四名擄去幼男女五口燒燬房屋土倉穀石等情奉批仰左江兵巡道查寃報繳依奉備行太平府切諭土官黃昂黃德隆務要安分守法并嚴拏黃金彪與各首惡賊犯解道寃問明正典刑又出給告示宣揚軍門威令撫諭各村爲從人等令其改過自新洗心滌慮永爲良民去後本年三月初五日又奉本部院批據南寧府申爲惡賊明火劫殺擄去人畜事稱據宣化縣太平三番民劉辟珠等狀告被土官黃金彪黃德隆糾合渠邏長沙冲禾等村逆賊一千餘徒立旗爲號各執器械

圍村劫殺男婦梁王三等并擄去牛隻財物荼毒生民
申乞區處等因奉批仰左江兵巡道速處報繳本月初
十日又奉巡撫都御史殷批據該府申同前事奉批
仰左江兵備道查報又蒙巡按御史李批據該府呈
同前因蒙批分巡左江道查勘速報又蒙本院批據思
同州申爲慣惡攻州殺擄未結更勢加害擄民乞憐救
拔事稱黃金彪慣加兇亂肆行殺擄本州殘害官民等
情蒙批分巡左江道查報又蒙批據該州催申亦同前
因蒙批分巡左江道查行繳依蒙備行查勘嚴提黃金
彪等究問未到又奉提督兩廣都御史李批據太平

府申爲禁約事中稱看得羅陽縣土官黃昂不守國法屢次縱男黃金彪黃金鯨專爲不道肆情犯分統令目兵橫行劫掠緣由奉批仰左江兵巡道查報又蒙巡按御史李批據該府呈爲申乞明示嚴束各轄地方以弭盜賊免貽累事蒙批黃金彪父子縱惡極矣分巡左江道密圖之以正法紀繳又蒙本院批據南寧府經歷司呈爲議處惡賊以靖地方事蒙批分巡左江道設法處之以靖地方此繳蒙此并陸續據左州及宣化太平如禾等畝民劉辟珠韋興等各申告屢被劫害情由到道本道以籌策未周兵食未足姑出示撫諭許其